

Segun Arturo October:

Na October lo dicidi si Aruba lo bira miembro di Parlatino

ORANJESTAD(AAN) — Durante un entrevista, señor Arturo Oduber a duna un informacion di e viahe di e delegacion di Staten pa Santo Domingo relaciona cu e reunion di Parlamento Latino Americano (Parlatino).

Oduber a duna di conoce cu Diarazon un delegacion di Staten a viaha pa Santo Domingo y a regresa Diasabra.

Na Santo Domingo e delegacion a asisti na e reunion di Parlatino como observador y tambe pa mira e posibilidad cu Aruba por bira miembro di dicho unidad.

Segun Oduber, desde 1986 Parlamento a haci un peticion por escrito na directiva di Parlatino pa bira miembro.

A surgi algun problema cu e peticion pasobra cu den Sur America e miembronan di Parlatino no ta compromete e posicion di Status Aparte di Aruba mucho bon.

Oduber a manifesta cu segun e statutan di e tratado cu Parlatino kier bay traha, e admision di paisnan pa Parlatino ta especificamente pa paisnan independiente.

Como cu Aruba no ta independiente ainda y ta cay bao reino Hulandes, a surgi problema ora mester a firma.

Ta asina cu Hulanda, cu

ta regla Aruba su asunto exterior, a manda un embahador pa firma e tratado cu ta laga Aruba bira miembro di Parlatino.

E hecho aki no a cay den bon tera ya cu e Latinonan ta contra di tur forma di colonialismo.

Oduber a manifesta cu e situacion di Aruba ta diferente pasobra cu e pais tin su Status Aparte den reino y ta na caminda pa independencia.

Esaki a worde treci padilanti durante e reunion na Santo Domingo di parti e delegacion di Aruba pa asina motiva e peticion.

E reaccion di Parlatino tabata cu nan no ta mira mucho problema pa asociacion y cu den e asamblea general di Parlatino e admision di Aruba mester worde acorda.

E asamblea general lo tuma lugar na October na Buenos Aires.

E delegacion di Aruba a hiba combersacion cu diferente delegacion di otro paisnan cu a muestra hopi positivo pa Aruba bira miembro.

Hunto cu Aruba segun Oduber, tabata tin un peticion di Haiti cu a presenta cu un delegacion completamente nobo di Staten ya cu e pais a haya su democracia atrobe.

Surinam despues di a recupera su democracia tambe a bira miembro di Parlatino. Den pasado tempo cu na Surinam tabata tin problema cu Bouterse nan a worde suspendi.

Pa loke ta trata e beneficianan Oduber a enfatisa cu como un isla cu ta ariba caminda pa independencia

mester busca afiliacion na unidatnan grandi.

Como cu Aruba ta forma parti di Caribe y Sur America ta importante pa afilia na Parlamento den Sur America.

Di e forma aki segun Oduber, Aruba tin mas contacto y mihor convenian cu por engrandecer e pais y contribui asina na e bloquen grandi.

Notable tabata segun Oduber cu e sistema Latino compara cu Aruba su sistema falta di hopi eficiencia.

Segun Oduber, por a constata cu e reunionnan no ta cuminsa na hora y cu e miembronan ta bin cu nan problemanan interno pa busca sosten di otro paisnan.

Esaki tabata e caso cu Panama caminda un delegacion a presenta un resolucion contra Merca.

Ta asina cu cada pais den Parlatino tin dos voto, un ta pro y e otro contra.

Esaki ta debi cu e delegacion ta consisti di miembronan di oposicion y Gobierno.

E delegacion di Aruba tabata consisti di: Presidente di Staten, Gonzalez, pa MEP a bay señor

Trinidad, pa AVP señor Silvio Croes, ADN Pedro Bislip PPA Dolfi Jansen y AD'86 Arturo Oduber.

Segun Oduber, tur cos ta indica cu durante e asamblea na October, Aruba lo bira miembro di Parlatino.

Comision cu ta organisa Festival di Jazz y musica latino mester di hobennan pa yuda


ORANJESTAD(AAN) — E comision cu ta organisa e festival di Jazz y musica Latino, cu ta conta cu participacion, di grupo y artistanan mundialmente renombra, mester di algun hobennan pa yuda. Nan

trabao ta consisti pa guia e personanan na nan asiento, ya cu esaki ta completamente organisa cu number y den diferente seccionnan.

Interesadonan mester

tin 18 aña o mas, mester por papia Ingles, Hulandes y Spaño y por atende hende. Ta asina cu lo bay tin un curso ariba e terno aki. Tambe mester trece un pasfoto pa e tarjeta di identificacion.

Esnan interesa por solicita Diarazon 20 di April entre 2'or y 4'or di atardi na oficina di Servicio Informacion den Dominica-nessenstraat 1, pariba di Iglesia San Francisco na Playa.



BOTICA EAGLE
Na Bo servicio pa
TUR RECEIPT
Nos ta situa landa di:
Hospital - Tel. 29011

Sale

DOWCO

WAREHOUSE SALE

RIGHT BACK OF OUR STORE IN SAN NIC.

SUPER CLOSEOUT SPECIALS

SATURDAY APRIL 16th

from 2-6 PM

Quizas e ta loco di contento of quizas e ta morto di hamber, pero ya na un ocasion caba el a yega di come su mes un yiu. Ayera atrobe e mama a haya un yiu y e tata kier a bay hunga cune, sea pa caricie of pa come, pero e doño no kier a perde e macaco y a dicidi di separa e mama cu yiu den un haula y laga e tata so den un otro cas. E mama tabata bula tur caminda cu e yiu ariba su lomba cu no ta cay ya cu el a keda pega duro na e mama.

